

The Electronic Manipulus florum
www.manipulusflorum.com

Miseria I
cum fonte primo

Consideranti tibi quid sis, occurret tibi
homo nudus et pauper et miser et
miserabilis; homo dolens quod homo
sit, erubescens quod nudus sit,
plorans quod natus sit, murmurans
quod sit homo natus ad laborem, non
ad amorem; homo natus de muliere et
ob hoc cum reatu; breui uiuens tempore
ideo cum metu; repletur multis
miseriis et propterea cum fletu, et uere
multis quia corporis et anime simul.

Bernardus ibidem (in sermone).

Si cuncta haec, veluti nubes quasdam
matutinas, velociter transeuntes et cito
pertransituras, dissipet et exsuffles a
facie

considerationis tuae, occurret tibi
homo nudus, et pauper, et miser, et
miserabilis: homo dolens quod homo
sit, erubescens quod nudus sit,
plorans quod natus sit, murmurans
quod sit; homo natus ad laborem, non
ad honorem; homo natus de muliere, et
ob hoc cum reatu; breui vivens tempore,
ideoque cum metu; repletus multis
miseriis, et propterea cum fletu. Et vere
multis, quia corporis et animae simul.

Bernardus Claraeuallensis, *De
consideratione libri V.*, 2, 18 (SBO 3, J.
Leclercq, C.H. Talbot, H.M. Rochais
eds., p.426, ll.1-8).